



Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliamut

UPA2023/46 – inuussutissarsiutinik ilinniartitsinerit pillugit inatsisip allanngortineqarnera pillugu apeqqtunut akissutit

15-05-2023
Sagsnr. 2023 - 3584
Akt nr. 22988408

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Siullermik, Naalakkersuisut Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaq oqaluuserisassani immikkoortoq UPA2023/46-mut apeqqtai, matumani aamma Ataatsimiititaliap inatsisissatut siunnersuut pitsaasuusutut isiginerarlugu oqarnera pillugit qutsavigaat. Tassunga uigiullugu ataatsimiititaliap inner-suussutigaa, inuussutissarsiutinik ilinniartitsinerit pillugit amerlanerusunik tiguisalernissap sungiusarluni suliffissanik amerlanerusunik pisariaqartitsinerimik kinguneqarnissaa pillugu tusarniaanermi akissutigineqartut arlallit uparuaanerat, tassami ilinnialersussat inuussutissarsiutinik ilinniakkamik naammassinnissagunik lærlingitut isumaqatigiissuteqarsimanissaannik imaluunniit ilinniartinneqarnissamik isumaqatigiissuteqarsimanissaannik piumasaqaat attatiinnarneqartussaammat. Ataatsimiititaliap tamanna tunngavigalugu Naalakkersuisut arlalinnik apeqqtuarfigai matuma kinguliini akineqartunik, tak. ataani erseqqinnerusumik. Ilutigisaanik oqaatigineqarsinnaavoq Isumaginninnermut, Sulisoqarnermut Nunamullu namminerit Naalakkersuisoqarfiup apeqqtut ilaannut akissutissanut ilanngussassanik akissuteqartinnissaa pisariaqarsimammat.

1. Inuussutissarsiutinik ilinniartitsinerit pillugit amerlanerulerpata suliffiit sungiusarfissat pisariaqartinneqartut amerlanerulernerannik kinguneqarnissaa pillugu tusarniaanermi akissutini uparuarneqartoq pillugu Naalakkersuisut qanoq isumaqarpat?

Akissut:

KNQI-p (Qitiusumik ilinniartitsinerit ataatsimut siunnersuisoqatigiivi) ilaatigut oqaatigaa siunnersuut akuersissutigineqarlunilu piviusunngortinneqassappat illua tungeriit akisussaasusut, ukiuni aggersuni lærlingitut sungiusarlunilu sulinnissamik isumaqatigiissutaasartussat malunnaatilimmik amerlinissaannik malinnaaviginninnissaat pingaaruteqarlunnarmat. Siunnersuummut oqaaseqaatini tusarniaanermi tunngasumi inner-suussutigineqarpoq Inatsisartut inatsisaanni § 43, imm. 1 atuuttoq, tassani allaqqammat inuussutissarsiutinik ilinniartitsinerit qitiusumillu ilinniartitsinerit sungiusarluni suliffissanik isumaginnittussaanerit, aamalu ilinniartitsinerit taakku sungiusarluni suliffissanik pissarsiniarnissaa siunertarlugu namminneq ornigullutik ujartuisarnissartik pisussaaffigaa. Ilutigitillugu inner-suussutigineqarpoq aalajangersakkamut oqaaseqaatini allasimasooq, tassa pingaartumik qitiusumik ilinniartitsinerit aqutsisoqarnikkut nutaamik aaqqissuunneqarneranni siulersuisut suliffeqarnikkut kattuffinnit peqataaffigineqartut pilersinnerisigut naatsorsutigineqarmat, siulersuisut suliffeqarfinnik oqaloqateqarnermikkut sungiusarluni suliffissanik amerlanerusunik peqalernissaaq sulissutigissagaat.

Ilutigisaanillu eqqaasitsissutigineqassaaq siunnersuutip pingaarnertut siunertaa tassaamat inuussutissarsiutinik ilinniartitsinerni ilinniartussanik amerlanerusunik tiguisinnaanisap qulakkeerneratigut soqutigisallit assigiinngitsut kissaataannik naaperiaaneq, pineqartut sungiusarluni suliffissaminnik siusinnerusukkut nassaareersimanagerat apeqqutaatinnaagu. Siunnersuutip pingaarnertut siunertaa nutaaliornertaalu taamaalilluni tassaavoq ilinniagaqarnissaq pillugu pilersaarummik aalajangersaasinnaanissaq, ilinniarneq lærlingitut isumaqatigiisummik imaluunniit ilinniartinneqarnissamik isumaqatigiisummik peqanngikkaluarluni aallartinneqarsinnaassasoq, naak ilinniagaq inuussutissarsiutinut ilinniagaagaluartoq ilinniarfimmilu sungiusarnikkut ingerlanneqartussaangikkaluartoq. Tassunga atatillugu naatsorsuutigineqarpoq qitiusumik ilinniarfiup siulersuisuisa, soorlu ilinniagaqarnissaq pillugu isumaqatigiisummi taasimassagaat ilinniagaqartup ilinniakkaminik naammassinninnissaa qanoq qulakkeerneqassanersoq, matumani aamma ilinniarnepup ingerlanerani lærlingitut isumaqatigiisuteqarnissaq ilinniartinneqarnissamilluunniit isumaqatigiisuteqarnissaq pillugu piunasaqaat qanoq naammassineqartassanersoq, imaluunniit ilinniarfimmilunniit sungiusarluni suliffissat naammattut pigineqarnersut. Aaqqissuussinerup taamaalilluni siunnerfigaa ilinniagaqartunik amerlanerusunik tiguisalernerup sungiusarluni suliffissat amerlassusiunut, qitiusumik ilinniarfinit pissarsiarineqartunut ingerlaavartumik naleqqussartuarnissaa, tak. inuussutissarsiutinik ilinniartitsinerit pillugit inatsimmi atuuttumi § 43, imm. 1. Aalajangersakkami allaqqavoq sungiusarluni suliffissanik pissarsiniarnissaq siunertaralugu ilinniarfiit suliffeqarfinit ornigullutik ujartuinissaq pisussaaffigigaat. Taamaattumik aaqqissuussinerup siunnerfigaa, qitiusumik ilinniarfiit ilinniagaqartut ilinniakkaminik naammassinnissinnaanissaannik qitiusumik ilinniarfiit qulakkeerussinnaasaattut amerlassusillit kisiisa tigussagaat. Siunnersuut taassuma ilutigisaanik periarfissiivoq qitiusumik ilinniarfiit, ilinniarnepup ingerlanerani kingusinnerusukkut sungiusarluni suliffissanik pissarsissussisinnaanissaannik, taamaaliornikkut ilinniagaqartut sungiusarlutik suliffissaqannginnertik pissutigalugu ilinniakkami tiguneqarnissamut mattunneqareersussaajunnaarlugit.

2. Inuussutissarsiutinik ilinniarfinit ilinniartut suliffinni sungiusarfissaannik amerlanerulersitsinissamut suliniutit suut iluaqutaasussaappat?

Akissut:

Tassunga tunngatillugu oqaatigineqassaaq Inatsisartut inuussutissarsiutinik ilinniartitaaneq 2011-mi annertuumik nutarteriffigineqarmat, qitiusumik ilinniarfiit siulittaasui pilersimmatigik, taamaaliornikkut sulisunut suliffeqarfinnullu ataqateqarneq nukittoq qulakkeerumallugu. Siulersuisut Naalakkersuisut qitiusumik ilinniarfinit oqartussanerpaatut inissimasuusut kingoraarpaat, ilaasortaallu inuussutissarsiutinik ingerlataqartuneersuupput, inuussutissarsiutillit kattuffiineersuupput il.il., sulisut suliffeqarfiillu kattuffiinit toqqaannartumik toqqagaasut.

Qitiusumik ilinniarfiit tassunga atatillugu Naalakkersuisut nalinginnaasumik peqqusisinnaanerisa avataanut inissineqarput.

Tassunga ilutigitillugu naatsorsuutigineqarpoq qitiusumik ilinniarfiit namminneq soqutigisareriigartik malillugu sungiusarluni suliffissanik sapinngisamik amerlanerpaanik pissarsiniartarnissaat, Inatsisartullu tassunga atatillugu ilinniarfiit pisussaaffilerpaat sungiusarluni suliffissanik nassaarnissaq siunertaralugu salliullutik sulissuteqassasut,

tak. inatsimmi § 43, imm. 1. Tassa imaappoq siulersuisoqarnerup aaqqissuussaanerata tamarmi imminermini siunertaraa sungiusarluni suliffissanik amerlanerusunik qulakkeerinissaq.

Kiisalu aamma Naalackersuisut, suliffeqarfiit pisortanilu oqartussaasut lærlingit sungiusarlutillu sulilersut atorfinitsinnerisigut inuiaqatigiinni akisussaaqataanissaat pillugu Inatsisartut inatsisaat tunngavigalugu atuutilersinnikuuaat Namminersorlutik Oqartusarullu nalunaarutaat nr. 16, 16. marts 2022-meersoq, sungiusarluni suliffissat pigineqarinnissaat qulakkeerumallugu lærlinginik sungiusarlutillu sulilersunik atorfinitsitsineranni smiley-nik aaqqissuussineq, ilutigisaanillu sulisitsisut lærlinginik sungiusarlutillu sulisunik nunaqavissunik amerlanerusunik sulisoqalersinniarlugit.

Isumaginninnermut, Sulisoqarnermut Nunamullu namminermut Naalackersuisoqarfik taamaalilluni apeqqummik saqqummiiffigineqarpoq, tassungalu atatillugu innersuusutigaa naalackersuisoqarfiup lærlingeqarnermut tunngatillugu elektroniskiusumik immersugassamut IT-reg.-imullu tunngatillugu suliniutaa. Naalackersuisoqarfiuttaaq oqaatigaa siunissaq ungasinnerusoq eqqarsaatigalugu kissaatigigitsik CV-liornermut ilitersuutinik aamma takutitassiaaqqanik sungiusarluni sulinermut tunngatillugu apeqqutinut sammititanik suliaqarnissaq.

3. Inatsimmik matuminnga allannguinermit ilinniartut ilinnialertartut amerlippata suliffinnik sungiusarfissanik qulakkeerrinnittussanik Naalackersuisut inuussutissarsiuutinik ilinniarfinnik suleqateqarlutik suliniutinik aallartitsissappat?

Akissut:

Naalackersuisut inuussutissarsiuutinik ilinniartitaanerit suleqatigalugit sungiusarluni suliffissanik naammattunik peqarnissaq qulakkeerniarlugu sulissuteqartuarniarput, tak. aamma qulaani apeqqut 1-imut akissummi taaneqartut. Unammilligassanilli taakuninnga pinngitsoortitsiniarnissaq inuussutissarsiuutinik ilinniartitaanerup qitiusumit peqataatitsilluni maannakkut aaqqissuussaaneranut attuumassuteqartinneqassaaq, tamannami Naalackersuisut piginnaatitaaffiisa avataaniippoq Naalackersuisullu siulersuisut pisussaaffiinut akulerunnissaannut killiliisuulluni, matumani aamma sungiusarluni suliffissanik pissarsiniarneq eqqarsaatigalugu.

Tassunga uiggiullugu oqaatigineqarsinnaavoq maannakkoqqissaaq sungiusarluni suliffissut 800-t missaanniimmata, taassumalu takutippaa ukiuni arlaqartuni ikiliartulersimagaluarlutik maanna amerlassusiat aalaakkaanerulersimasoq. Sungiusarluni suliffiit taakku 800-t maanna anguniagaasunit 970-init ikinnerungaatsiarput. Inuussutissarsiuutinik ilinniartitsinerit pillugit inatsisit atuuttut, sungiusarluni suliffissat amerlassusii eqqarsaatigalugit kissaatigineqartutuut pilertortigisumik siuariarfiusumillu angusaqartitsisimanginnerat tamatumani pissutaasorinarpoq.

Ilutigisaanik oqaatigineqassaaq inuussutissarsiuutinik ilinniartitsinerit pillugit inatsit 2022-p naalernerani aallartittumik avataaneersunut nalilersortinneqaleramat, ilaatigut sungiusarluni suliffissanik amerlanerusunik pissarsinissamik apeqqut sammeneqarluni. Nalilersuinerup 2023-ip aasaani naammassineqarnissaa naatsorsuutigineqarpoq. Taassuma saniatigut assortorneqarsinnaanngitsooq tassaavoq, sungiusarluni suliffis-

sat pillugit apeqqut inatsisip maannakkut aaqqissuussaananerani pissutsinut naleqqut-tingitsunut allanut sanilliukkaanni isumaliutigineqartariaqassamat inatsisit atuuttut allangortilluinnarneqarnissaat.

- a. Taamaassimappat, suliniutit suut aallartinneqarniarpat?

Akissut:

Eqqumaffigisassaq pingaaruteqarluinnartoq tassaavoq inuussutissarsiutinik ilinniartit-sinerit iluanni tunngaviusumik ilinniakkamik, STI-mut assingukannersumik pilersitsi-sinnaaneq, ilinniagaqarniartut ilinniakkamik eqqortumik toqqaasinnaanissaannik peri-arfissiisumik, ilutigisaanillu aamma ilinniagaqartut inerisimanagerullutik piareersimane-rullutillu suliffeqarfinnut sulisussanik pisariaqartitsisunut pilerinarnerusumik neqeroo-ruteqarlutik sassarsinnaanissaannut qulakkeerisussamik. Kiisalu ilinniarfiit inuussu-tissarsiutinut ilinniartitsineri ilinniartut sungiusarlutik suliffissaannik qulakkeerinissaq eqqarsaatigalugu erseqqissumik pisussaaffilerneqarnissaannik atuutilersitseqqinnis-saq sulissutigineqarpoq.

- b. Taamaassimangippat, suna tunngavigalugu suliniutinik aallartitsinissaq tulluorsorineqanngila?

4. Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat 1. januar 2021 atuutilerpoq. Suliffiit sungiusarfissat amerlinissaat inatsisitigut siuarsaavigineqarsimanersoq piffissami matumani nalilerneqarsinnaava?

Akissut:

Inatsit sungiusarluni suliffissat amerlinerannik siuarsaasimanersoq maannakkut oqaatigissallugu siusippallaarpoq. Isumaginninnermut, Sulisoqarnermut Nunamullu namminermt Naalackersuisoqarfiup tassunga atatillugu oqaatigaa, elektroniskiusu-mik immersugassaq nutaaq pitsanngorsagarlu sulissutigineqartoq, taamaattumillu inatsisip sunniutaanik maannangaaq nalilersuisoqarsinnaanngitsaq. Taassuma sani-atigut oqaatigineqarpoq IT-reg-ip sungiusarluni suliffissanut tunngatillugu atortua mi-sissorneqartoq, pissutsit sungiusarluni suliffissanut tunngasut takussutissiisutigitillu-arneqarsinnaanissaat qulakkeerniarlugu.

5. *Ilinniartitsinermt pilersaarut II 2022-mi* ima allaqqavoq, immersugassaq elektroniskiusoq oqartussat suliffeqarfiillu immersortagassaat 2022-mi piariissasoq naatsorsuutigineqartoq. Immersugassaq elektroniskiusoq ullumikkut atorineqarsinnaalereerpa?

- a. Taamaassimappat, suliffiit sungiusarfigineqarsinnaasut amerlassusiinut qanoq sunniuteqarnikuua ?
- b. Taamaassimangippat, qaqugu atorineqarsinnaalernissaa naatsorsuutigineqarpa?

Akissut:

Sungiusarluni suliffissat pillugit elektroniskiusumik immersugassaq oqartusaasut suliffeqarfiillu immersussallugu pisussaaffigisaat Isumaginninnermut, Sulisoqarnermut Nunamullu namminermt Naalackersuisoqarfiup oqaatigisaatuut IT-kkut ineriartortinneqarsimavoq, 2022-milu piareersaatitut misiligarneqarsimalluni, tassungalu atatillugu paasineqarsimasoq immersugassaq pitsanngorsartariaqarlunilu atorluarsinnaanerulersinneqartariaqartoq. Naalackersuisoqarfiup tassunga uiggiullugu oqaatigaa, elektroniskiusumik immersugassamik atoruminarnerusumik peqarnissaq anguniarneqartoq, matumani aamma ilanngullugit toortagassat pisariitsut immersugassap pilertornerusumik pisariinnerusumillu immersorneqarsinnaaneranut iluaqutaasussat. Taasuma saniatigut sungiusarluni suliffissanut tunngasut nalinginnaasut "www.suli.gl"-mi ineriartortinneqarput, paasisaqarumalluni alakkarerinissamik pisariinnerulersitsisussat. Naalackersuisoqarfiuttaaq oqaatigaa elektroniskiusumik immersugassap nutaap "www.suli.gl"-miittup pitsanngorsagaa-sullu 2023-ip aasaani naammassineqarnissaa naatsorsuutigineqartoq.

6. Ilinniartunut inuussutissarsiornikkut tunngaviusumik ilinniakkamik suliffimmik sungiusarfissamik isumaqatigiissuteqaqqaanngikkaluarlutik aallartissinnaalernissaannut ammaassisut pillugit ilinniartitsinermt pilersaarutit akuerineqarnissaannut piumasaqaatit naammassisassallu suut Naalackersuisunit aalajangersarniarneqarpat?

Akissut:

Naalackersuisut piginnaatitsissut pillugu aalajangersakkamik siunnersuummi taaneqartumik atuisinnaanermt atatillugu isumaliutaat tassaavoq, ilinniagaqartut sungiusarluni sulinissaq pillugu isumaqatigiissummik peqaqqaaratik inuussutissarsiutinut ilinniakkamik aallartitsisut, ilinniakkaminnik naammassinninnissamut periarfissaqarnissaannik qulakkeerinissaq, imaanngitsoq pineqartup ilinniagaqarnerata ingerlanerani suliffeqarfimmi ilinniarfimmiluunniit sungiusarluni sulinissaanik iluatsinngitsoornera pissutigalugu ilinniakkamik unitsitsinnassasoq. Imaappoq piumasaqaat tassaasinnaavoq ilinniagaqarnissamik pilersaarummi periussissamik aalajangersaasoqassasoq, ilinniagaqartup ilinniagaqarnermi nalaani ilinniakkaminik tassangaannaq unitsitsinnannginnissaanik qulakkeerisussamik. Erseqqissumik taallugit tassaasinnaapput ilinniarfimmi sungiusarluni sulininnaanissamik pilersitsiniarluni pilersaarussiaq, sungiusarluni sulinissamut periarfissat il.il. pillugit suliffeqarfinnut il.il. isumaqatigiissuteqarnerit.

Inussiarnersumik inuulluaqqusillunga



Peter Olsen